



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

24 JANUARI 2021 (AHAD)



**KERATAN AKHBAR
DAN MEDIA ONLINE
(KPDNHEP)**

24 JANUARI 2021 (AHAD)

Kenaikan harga minyak masak dipengaruhi CPO

Putrajaya: Kenaikan harga minyak masak tidak bersubsidi dipengaruhi harga minyak sawit mentah (CPO) yang meningkat sejak Ogos lalu.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata harga CPO dilaporkan memuncak melebihi RM3,000 setiap tan pada Disember lalu.

Keadaan itu, katanya, menyebabkan pihak kementerian menerima banyak rungutan menge-

nai kenaikan harga minyak masak tidak bersubsidi yang bergantung kepada CPO.

"Harga CPO pula ditentukan berdasarkan permintaan dan bekalan. Ini memberi tekanan kepada harga di pasaran tempatan kecuali harga minyak masak disubsidi oleh kerajaan yang tetap dijual RM2.50," katanya dalam kenyataan, semalam.

Beliau mengulas situasi harga minyak masak menunjukkan peningkatan ketika pelaksanaan Pe-

rintah Kawalan Pergerakan (PKP).

Sementara itu, katanya, kerajaan konsisten menyalurkan peruntukan untuk 60,000 tan minyak masak bersubsidi setiap bulan yang dijual dalam bentuk paket pada harga RM2.50 setiap kilogram (kg).

Katanya, bagi minyak masak dalam bentuk botol 2kg sehingga 5kg dengan pelbagai jenama tidak bersubsidi, ia dijual mengikut harga pasaran berdasarkan penawaran serta permintaan.

Alexander berkata, bermula Jun lalu sehingga kini, Lembaga Minyak Sawit Malaysia (MPOB) melaporkan trend harga minyak sawit mentah di pasaran dunia meningkat setiap bulan.

Katanya, kenaikan harga itu disebabkan beberapa faktor seperti peningkatan permintaan luar negara terhadap minyak sawit mentah diproses, selain harga minyak masak lain seperti minyak soya dan rapeseed yang melonjak.

"Faktor perubahan iklim juga

menyebabkan pengeluaran minyak sawit terjejas sehingga menyebabkan kenaikan harga di pasaran. Bagaimanapun, sepanjang pemantauan ketika PKP, tiada peniaga didapati menaikkan harga minyak masak.

"Ia dijual berdasarkan harga bekalan diterima daripada pengilang. Rungutan pengguna sekarang adalah apabila mendapati setengah jenama minyak masak dijual RM30 sebotol disebabkan harga CPO meningkat," katanya.

Harga cili merah turun, sayur alami sedikit peningkatan

Putrajaya: Harga cili termasuk cili merah kulai, cili merah minyak dan cili akar menunjukkan penurunan, kata Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi.

Katanya, menyedari aduan mengenai harga sayur-sayuran, beliau bersama Ketua Setiausaha KPDNHEP, Datuk Seri Hasnol Zam Zam Ahmad membuat lawatan mengejut ke Pusat Pengumpulan Sayur (Cili Merah) di Telok Panglima Garang, Selangor, semalam.

Lawatan itu, katanya, untuk meninjau situasi sebenar bekalan di lapangan dan rantaian pengedaran bekalan cili, iaitu antara jenis sayur didakwa mengalami kenaikan harga di pasaran.

"Kementerian buat pemantauan pada peringkat pembekalan barang keperluan di pasaran melalui penguatkuasaan Ops Pasar 2021 (sayur-sayuran) mulai 12 Januari lalu.

"Sehingga Khamis lalu, 320 premis peruncit dan pembekal sudah diperiksa membabitkan 904 barangan, termasuk lima sayur-sayuran utama seperti tomato, cili merah minyak, cili merah kulai, lobak dan kobis bulat.

"Sebanyak 337 notis bertulis juga dikeluarkan kepada peniaga untuk memantau aduan dan dawaan kenaikan harga serta mengesan sekiranya wujud elemen pencafutan," katanya.

Beliau memberi contoh, harga purata cili merah kulai pada Disember lalu RM23 bagi 1 kilogram (kg) dan minggu ini, harga puratanya turun kepada RM19.

Katanya, siasatan KPDNHEP mendapati memang ada sedikit peningkatan harga sayur disebabkan perubahan musim dan cuaca terlampau sejuk di Cameron Highlands, menyebabkan kualiti dan kuantiti sayur-sayuran berkurangan.

Harga cili merah mula turun

Harga bawang merah turut dijangka turun tidak lama lagi

PUTRAJAYA

Harga cili di pasaran termasuk cili merah kulai, cili merah minyak dan cili akar mula menunjukkan penurunan, kata Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi.

Beliau berkata, sebagai contoh, harga purata cili merah kulai pada Disember 2020 adalah RM23 sekilogram (kg), namun minggu ini turun sebanyak 17 peratus kepada RM19 per kg.

Katanya, peningkatan harga sayur-sayuran seperti cili disebabkan oleh perubahan musim yang melanda negara dan faktor perubahan cuaca terlampau sejuk di daerah tanah tinggi pengeluar bekalan utama seperti di Cameron Highlands.

"Keadaan cuaca ini telah menyebabkan kualiti dan kuantiti sayur-sayuran berkurangan," katanya dalam kenyataan pada Sabtu susulan lawatan mengejut ke pusat pengumpulan sayur (jenis tanaman cili merah) di Telok Panglima Garang, Selangor pada Jumaat.

Beliau berkata, penanaman cili di Malaysia amat dipengaruhi elemen cuaca, jenis tanah dan pasir dengan nilai Ph5.5-6.5 dan



FOTO: BERNAMA

Harga purata cili merah kulai pada Disember 2020 adalah RM23 sekilogram (kg), namun minggu ini turun sebanyak 17 peratus kepada RM19 per kg.

tahap kelembapan yang sederhana.

Katanya, luas fizikal ladang cili di Malaysia ialah 576.85 hektar dengan 204.45 hektar daripadanya adalah cili kulai.

"Penggunaan cili oleh pengguna Malaysia dianggarkan kira-kira 0.006 kg seorang sehari, 0.17

kg sebulan dan 2 kg setahun. Keperluan untuk setahun bagi 32.73 juta rakyat Malaysia ialah 65.46 juta kg," katanya.

Selain cili, katanya, harga bawang merah turut dijangka turun tidak lama lagi berikutan India telah mengeksport semula bahan itu dan telah tiba di pelabuhan Malaysia.

Sementara itu, beliau berkata,



ALEXANDER NANTA LINGGI

kenaikan harga minyak masak tidak bersubsidi dipengaruhi oleh harga minyak sawit mentah (CPO) yang meningkat sejak Ogos tahun lepas.

Katanya, harga CPO dilaporkan memuncak melebihi RM3,000 per tan matrik pada

Disember tahun lepas menyebabkan pihaknya menerima banyak rungutan mengenai kenaikan harga minyak masak tidak bersubsidi.

"Ini memberi tekanan kepada harga dalam pasaran tempatan kecuali harga minyak masak disubsidi oleh kerajaan yang tetap dijual pada harga RM2.50," katanya. - Bernama